

Bingz Maenhndei

评优秀

□ Veiz Aicinh / 韦爱珍

Vangz Meijli ngamq hwnj song dangz goq yijvwnz sat, de gaem bonjsaw, dingj aen ndang naetnaiq bonjfaenh, yamq faj din naeknw byaij haeuj bangunghsiz, swiq fwngz, dauj raemx, gwn raemx. De hoz humz bak hawq, daengx ndang unqnemnem, gaeng dwgliengz ndaej geij ngoenz lo. De mbouj siengj cingjgyaj, hwnj dangz goq yijvwnz aeu doegsaw hix lai, song dangz roengzdaeuj, hoz in raixcaix, neix doiq de daeuj gangj mbouj suenq maz saeh lo. Miz geij boux hagseng gaen haeujdaeuj cam de di saeh, de doq swiq fwngz doq dingq gyoengqde gangj, ngeix le youh lwnh gyoengqde nyi.

Doiqnaj Loz lauxsae caeuq Veiz lauxsae cingq sing daemqnamnam ganggoj, lumjnaeuz dwg lwnh gij gaujhwz bi 2021 youh daengz lo, gvendaengz gij saeh bingz maenhndei. Raen Vangz Meijli haeujdaeuj couh bienq sing engq daemq lo, menhmenh couh mbouj gangj lo, caez naengh ndei gag boux gaij cozyez.

Roengzhag le, Vangz Meijli cingq yaek byaij ok bakdou hagdangz dauqranz. Sawqmwh miz sing heuh de: “Meijli, caj gou yaep he!”

Vangz Meijli baenggyaeuj baez yawj, dwg Lungz lauxsae, caeuq de caez son ban ndeu, de son suyo. Lungz lauxsae lij miz song bi couh yaek duiyouh lo. Songde doengzcaeuz doxgap son ban ndeu geij bi, gamj-cingz gig ndei.

“Dahcej, miz saeh maz?” Vangz Meijli daengx roengzdaeuj, caj Lungz lauxsae daengz gyawj.

“Mbouj miz saeh couh mbouj ndaej caeuq mwngz gangj geij coenz ha? Songraeuz caez byaij, doq byaij

doq gangj ba.”

“Meijli, mwngz baenzngoenz couh rox bwh go hwnjdangz, haeujsim gij saeh hagseng, couh mbouj ndaej-hoengq naemjnaemj gij saeh swheij ha? Gij gaujhwz bi 2021 bingz maenhndei youh daengz lo, byawz ndaej bingz hwnj doiq bingz cizcwng mizyungh nw.” Lungz lauxsae itcig gangj.

“Gij saeh neix lij aeu naemj ha? Yienghneix buekmingh guhhong hix dwg vih bineix bingz cizcwngh fugauh, siengj bineix baez ndeu couh bingz ndaej.” Vangz Meijli naeuz.

“Mwngz caen huk, mbouj

doenghdoengh uk baenzlawz ndaej ni, hawj gou vix diuz roen hawj mwngz, baujcingq mwngz bineix ndaej swnh-leih.” Lungz lauxsae dwg boux ndaej binienz, maz cungj rox di.

“Dahcej, bingz maenhndei mbouj dwg hagdangz raeuz liglaiz gaengawq gak fuengmienh lauxsae daeuj bingz ha? Gou siengj bi 2021 daeuj gou hix guh ndaej hauilai cingzcik, bingz maenhndei wngdang ndaej bingz hwnj.” Vangz Meijli gig gagsaeng.

“Naeuz mwngz huk, mwngz caen huk. Bineix yijvwnz cuj sou Loz lauxsae caeuq Veiz lauxsae caemh aeu bingz gij cizcwngh fugauh, songde

caeuq mwngz dwg duiouj bw, gangj daeuj gij cingzcik songde mbouj beij mwngz, hoeng gou dingqgangj geij bi neix daeuj songde caeuq yaucangj byaij ndaej gaenh, binaengz gvaq ciet cungj gyaenz bae ranz yaucangj, soengq di doxgaiq.”

“Dahcej, mwngz hix lai dawz haeujsim luba, songraeuz hix bungz ciet gvaq cieng mwngz bae gou dauq, byawz mbouj miz di cingzngaih ne.”

“Mwngz mbouj rox. Dingq dahcej coenzvah, gaxgonq gou hix lumj mwngz yienghyiengh ak gvaq vunz, hoeng bingz maenhndei seiz coengz-laiz mbouj ndaej gvaq. Seizhaenx hix lumj mwngz nei mbouj rox saeh, bibi naengh caj bingz maenhndei, bibi doek, gyoengq boux yaez gvaq gou cungj ndaej lo. Doeklaeng gou cij rox, mboujdan aeu miz cingzcik, lij aeu miz cingzngaih, baenzlawz caeuq lingjdauj rag gaenh gamjcingz, gaenx caeuq lingjdauj baedauq. Bi daihseiq daengz ndwencieng gou hix bae ranz yaucangj yawjyawj, bae baihrog hagsib dauqma cawx di doxgaiq soengq hawj de. Yienghneix bide gou couh ndaej bingz hwnj maenhndei lo.”

(1)

Fwen Makdumh

野莓歌

□ Vangz Fungmingz / 黄凤明

Makdumh gyangbya van,
Lij van gvaq dangzrwi;
Gonq gyangbya miz ndwi,
Baez raen myaiz rwired.

Aen youh laux youh hung,
Baenz boengj youh baenzgyoengq;
Caih aen hau aen hoengz,
Aiq doengz van doxlumj.

Dawz ndaem daengz gyangnaz,
Baenz caz maj doh reih;
Dangh ndwencieng roengz reih,
Makdumh maj ndei lai.

Hai diuz roen ginghci,
Makdumh hix naj hai;
Mbaet daengz gyaeujreih gai,
Naj hai ndingndetndet.

Daengx mbanj ndaem makdumh,
Baenz cumh daeh haeuj ci;
Rumz seizcin baez ci,
Bouxgungz hix bienq fouq.

Vunzlai ndaem makdumh,
Cumhcumh ngeix daengz dangj;
Ndawsim vunzlai angq,
Aencingz dangj nanzlumz.

154. Cam:

Duenz mwngz coenz daihseiq,
Gaiq maz seih seiq nga?
Beix rox nuengx couh hoiz,
Gaiq maz bya doengz dog?

Hoiz:

Aencong le beix ha,
Gaiq de seih seiq nga,
Aendaengq le beix ha,
Gaiq de bya doengz dog.

155. Cam:

Duenz mwngz coenz daihhaj,
Gaiq maz mbin daemj mbwn?
Beix rox nuengx couh hoiz,
Gaiq maz mbin daengz deih?

Hoiz:

Cib nyied vunz haeuj vax,
Mojlox mbin daemj mbwn,

Vah Duenz

谜语

□ Soucomz Cingjleix Veiz Daz

Seiq nyied fwn doek hung,
Loengxlungz mbin daengz deih.

156. Cam:

Duenz mwngz coenz daihroek,
Mbwn boek deih cij fan,
Beix rox nuengx couh hoiz,
Mbwn fan deih lij luenh.

Hoiz:

Vunz cae reih boegboeg,
Mbwn boek deih cij fan,
Vunz dawz naz haeplangh,
Mbwn fan deih lij luenh.

157. Cam:

Duenz mwngz coenz daihbet,
Em'et diuz doiq diuz,
Beix rox nuengx couh hoiz,
Emgiu hoh doiq hoh.

Hoiz:

Cib lwgfwnz cayet,
Em'et diuz doiq diuz,
Cib lwgfwnz cayiu,
Emgiu hoh doiq hoh.

(22)